



WIINDAMAAGEWIN OWI GIIZHIKIGAADEG MINWAAMJIGAADEG MIINWAA GAGWEDWEWIN ZHICHGEWIN

Agii azhaa ana Anishinaabe Maamwidaang enji Gikinoomaadiiwiigwaam aawiyin e'skoniwid epiichi giizhigag gaawii dash awiigwa agii nibaasii zhiwe gabedibig?

MAAGE

Gdo gitiziim ana agii zhaa odi Anishinaabe Maamwidaang enji Gikinoomaadiiwiigwaam aawid e'skoniwid epiichi giizhigag gaawii dash awiigwa agii nibaasii zhiwe gabedibig?

MAAGE

Gadaaw ana dibiniweziwin bemikang, nyaagdowenjiged, e'penimandwing maage nendodaawed dibendaasowin maaage megsenjiged owa gwaya agaa zhaad Anishinaabe Maamwidaang enji Gikinoomaadiiwiigwaam aawid eskoniwid epiichi giizhigag gaawii dash agii nibaasii zhiwe gabedibig agaa nibod Zagibagaa-giizis 30, 2005 maage baamaapii.

Giishpin Enh, maanda wiindamaagewin giin onji aawan. Maanda bagidinigaade owa Gichi Gimaa Dibaakinige Gamig.

Weweni agindan zaam madookdaagemigad gdo onashowe dibiniweziwinan.

Aaniish maanda wiindamaagewin e'naabidag?

Temigad giizhiikigaadeg zhiwe debwechigaadeg maamowi yaang dikonigewin ezhinikaadeg *Gottfriedson v. Canada* (Federal Court File No. T-1542-12) newen gagwedwewinan gewe Gabe Giizhig Gikinomaagaazijig (gewe "Agaa Zhaabshkaajig Maamowi Yaang Wiji-ewin) miinwaa ado niijaansiwaan ("gewe Inodewiziwinan Maamowi Yaang Waajii-ejig"). Gabe Giizhig Gikinomaagaazijig aawiwog eskoniwijig agaa zhaawaad Anishinaabe Maamwidaang enji Gikinoomaadiiwiigwaam epiichi giizhigag miinwaa gaawii dash agii nibaasiwog zhiwe gabedibig. Gichi Gimaa Dibaakinige Gamig debaakiniged agii minwaabmdaan owi giizhiikigaadeg bezhigwendamowin Waababaagaa-Giizis 24, 2021 miinwaa owi bezhigwendamowin nongo bikobinigemigad kina Zhaabshkaajig Maamowi Yaang miinwaa Niijaansiwaan Maamowi Yaang Waajii-ejig gaawii agaa zagijibiwidiziwaad.

Wegnesh owi giizhiikigaadeg agaa minwaamjigaadeg?

Owi giizhiikigewin digosinon bamitaagewinan neniish gwa newen Gabe Giizhig Gikinomaagaazad Agaa Zhaashkaajig Maamowi Yaang miinwaa owi Inodewiziwinan Maamowi Yaang Waajii-ejig.

- **\$10,000 Gabe Giizhig Gikinomaagaazijig_Dibagesemigag Dibamaadiwin:** Ensa bezhig Gabe Giizhig Gikonomaagaazad agaa zhaad Anishinaabe Maamwidaang enji Gikinoomaadiiwiigwaam epiichi giizhigag goweta (dash gaawii agii nibaasii zhiwe gabedibig) miigse awii ndo gagwedwewaad owi \$10,000 Gabe Giizhig Gikinomaagaazijig Dibagesemigag Dibamaadiwin Zhibiigaadenon Anishinaabe Maamwidaang enji Gikinoomaadiiwiigwaam agaa yaawaa-aad maage gnimaa agaa yaawaa-aad Gabe Giizhig Gikinomaagaazijig adaa makigaade ekwaawiing maanda Wiindamaagewin, maage waasamo-asabi mazina-igan odi <https://www.justicefordayscholars.com/schools-lists/>. Newen owa Gabe Giizhig Gikinomaagaazad

agaa nibod Zagibagaa-giizis 30,2005, maage shkwa maanda giizhigag, owa agaa nibod Gabe Giizhig Gikinomaagaazad dibendaasowinan nyaagdowendamajig maage mensenjigejig ada gashkitonaa-aa awii gagwedwewaad owi Gabe Giizhig Gikinomaagaazijig Dibagesemigag Dibamaadiwin.

- **\$50 million owi onji Gabe Giizhig Gikinomaagaazijig Aanjimaajigiwin Zhoonyaa:** Gaanada adaa dibage \$50 million odi Gaabe Giizhig Gikinomaagaazijig Aanjimaajigiwin Zhoonyaa awii nikaazang awii aasgaabiwichigaadeg nojimowin, mina yaawin, gikinomaadiwin, iniwewin, inaadiziwin, ondiziwin, miinwaa minadenjigewin owi bamitaagewin gewe agaa Zhaabshkaajig miinwaa Niijaansiwaan Maamowi Yaawinan. Owi zhoonyaa ada bamiikigaade owi gaawii e'zhooniyaakesig wiiiji-ewin.

Owi Giizhiikigewin gaawii digoyaasiwog owi Shkonigan Maamowi Yaang Waajii-ejig. Gaawiin maampii Giizhiikigewin ada madookdaagesino owi Shkonigan Maamowi Yaang Waajii-ejig Gagwedwewin, owi eni aabajibideg niigaan awii dibaakinigaadeg.

Aaniish apii Maamowi Yaajig Waajii-ejig age zhitowaapa gagwedwewinan owi bebezhiig \$10,000 Gabe Giizhig Gikinomaagaazijig Dibagesemigag Dibamaadiwin?

Gegedwejjig adaa maajitaawog zhitowaad gagwedwewinan apii nisaakising owi gagwedwewin zhichigewin Manidoo-giizis 4, 2022.

Owi ekwaasemigag awii niindaawewin gagwedwewin aawan Binaakwe-giizis 4, 2023, 11:59 p.m. Gegwedwejjig wewiib adaa zhichigewog awii gagwekwendaagwog gaawii awii bishiginamwaad owi gagwedwewin ekwaasemigag.

Aaniish agezhi zhitowaan gagwedwewin?

Gagwedwe moshkinebiiganan neniish gwa ada tenon waasamo-asabi mazina-igan miinwaa mazinigini awiin.

- Owi waasamo-asabi mazina-igan moshkinebiigan temigad odi Gagwedwewin Naagaanziitang (Deloitte) waasamo-asabi mazina-igan miinwaa adaa miziwe moshkinebiigaade waasamo asabi mazina-igan: : www.dayscholarsclaims.com
- Owi mazigini awiin temigad gagwek agwa owa Gagwedwewin Naagaanziitang (Deloitte). Gnima age adaa temigad odi gdo shkoniganing. Gegwedwejjig agaa moshkinebiimowaad mazinigini moshkinebiiganan aabideg adaa niindaawenaa-aan mazinigan e-pangijibideg, biiwaabikong mazaatesjigan maage Mazinatesing Mazinigan gagwek owa Gagwedwewin Naagaanziitang

Niish dnowaa tenon gagwedwewin moshkinebiiganan:

- Gabe Giizhi Gikinomaagaazad Gagwedwewin Moshkinebiigan age moshkinebiigaadeg awiin maage onji bemaadizid Gabe Giizhig Gikonomaagaazad www.dayscholarsclaims.com
- Dibiniweziwin Gagwedwewin Moshkinebiigan age mooshkinebiigaadeg giishpin aawiyin megsenjiged maage bemiikang, nyaagdowenjiged, e'penimandwind maage nendodaawed dibendaasowin e'zhitod gagwedwewin onji agaa nibod Gabe Giizhig Gikinomaagaazad yaa-aabi agaa bimaadizid Zagibagaa-giizis 30, 2005 www.dayscholarsclaims.com

Shkwa moshkinebiiman miinwaa niindaawewin owi gagwek yaawong gagwedwewin, owa Gagwedwewin Naagaanziitang ada ndagikendaan owi moshkinebiigan miinwaa giizhendan endagwen owi gagwedwewin miigsemigag owi dibagesemigag dibagewin. Gichi piitendaagowd awii moshkinebiiman owi gagwedwe moshkinebiigan kina gwa gikendamowin digosing dash owa Gagwedwewin Naagaanziitang adaa bimiikaan wewiib gwa.

Giishpin zhaazhigwa agii debinaman Gagwech agaa Zhiwebiziwaad Dibagewin zhiwe owi Anishinaabek Maamwidaang enji Gikinoomaadiwiigwaaman Giizhiikigaadeg Bezhiigwendamowin (IRSSA), maage giishpin miigsewin awii debinaman dibagesemigag dibamaadiwin zhiwe *McLean* Gichi Gimaa Gabe Giizhig Gikona Amaadiwiigwaam Giizhiikigaadeg Bezhiigwendamowin, gnima agwaa yaa-aabi gdaa miigse awii debinam dibagesemigag dibamaadiwin zhiwe Gabe Giizhig Gikinomaagaazijig Giizhiikigaadeg Dibamaadiwin, debinaag gwaa gaawii agii debinaziwaad dibagesemigag dibamaadiwin kina newen skoonwi biboon agii zhaawaad aawiwaad Gabe Giizhig Gikinomaagaazad.

Giishpin owa Gagwedwewin Naagaanziitang gaawii giizhibiigaadesinag maage gikendamowin nendowendaagwog awii bamiikigaadeg owi gagwedwewin gaawii miigwesiing, owa Gagwedwewin Naagaanziitang agaa ginonig awii gagwejimig owi woshme gikendamowin.

Giishpin gdo gagwedwewinan_bagijiwebinigaadeg zaam owa Gagwedwewin Naagaanziitang manjigwa iidig onji (owi dash zaam agii digosin gikinomaage gamig gaawii agii yaasiwaad Gabe Giizhig Gikonomaagaazijig maage owa Gabe Giizhig Gikinomaagaazad aga nibod jibwaa Zaagibaga-giizis 30, 2005), gdaa gagwedwe aanji gnowaamjigaadeg. Giishpin zhiwebak owi, gdaa wenaamdaan awii yaawad giigidonini maagwewaad Maamowi Yaang Giigidonini (gaawii gego nangidesinag giin), gdaa giigidotamadis, maage gdaa wenaabimaa giin gdo giigidonini (aabdeg giin aga dibamowaa gdo giigidonini). Owa Dibendizad Debaamjiged ada giizhendawegwen gwa agaa aaginotaagaadeg gagwedwewinan miinwaa owi Dibendizand Debaamjiged giizhendawegwen ada ekwaawiiwon miinwaa dikobijigemigad.

Aaniish apii age debinamaa ndo giizhiikigadeg dibamaadiwin?

Debwemigag gagwedwewinan gewe bemaadzijig Gabe Giizhig Gikonomaagaazijig ada dibagaadenon wewiib agwa ezhi gashkitoong, miinwaa megwaach, biinji gmaaminig giizisan niindaawewin gdo gagwedwe mooshkinebiigan.

Giishpin zhitowin owi Dibiniweziwin Gagwedwewin aawiyin megsenjiged owa agaa nibod Gabe Giizhig Gikinomaagaazad agaa bimaadzid Zagibagaa-giizis 30, 2005, gdo gagwedwewin gaawii ada dibizhigaadesino apiinish ekwaasemigag owi gagwediwewin yaawong awii gagwekwenjigaadeg gaawii gagwedwewin agii bijigaadesino owa debwewedaagozid agaa naagimind bemiikang, nyaagdowenjiged, e'penimandwing maage nendodaawed dibendaasowin, maage owa megsenjiged owi naasaab maage woshme epiichigaabiwid.

Weweni moshkinebi-an newen moshkinebiiganan miinwaa gagwekwendan agii miigwewin kina gikendamowin agaa gagwedweng. Ada naadmaagwan owa Gagwedwewin Naagaanziitang wewiib awii dibagaadeg gdo gagwedwewin.

Aaniish giishpin mineziyaan naadmaagewin owi gagwedwewin moshkinebiigan, dowendamaa awii debinamaa gagwedwe moshkinebiigan, maage dowendamaa woshme gikendamowin?

Giishpin dowendaman mazinigni mazinaakizigan owi gagwedwe moshkinebiigan, dowendaman naadmaagewin moshkinebiiman gagwedwe moshkinebiigan, maage woshme dowendaman gikendamowin maanda maamowi yaang dikonigewin maage owi gagwedwewin zhichigewin, aga bigosenimigo awii ginowaabmdaman www.dayscholarsclaims.com maage ginosh owa Gagwedwewin Naagaanziitang.

Deloitte:

Indian Residential School Day Scholars Claims Administrator c/o Deloitte

PO Box 7014

Toronto, ON, Canada M5C 0A9

Fax: 416-601-6101

Giigido biiwaabikong: 1-877-877-5786

Email: dayscholarsclaims@deloitte.ca